

鐵嶺縣志

卷

四三

鐵嶺縣志卷三

政治志

國家出政者也官吏行政者也官吏有賢否政治有得失而世運遂有隆替其理然也鐵嶺遠在荒服古今異勢由唐而遼而金元明清以迄民國千有餘年政治不知經幾許變遷官吏不知經幾許更替而爲軍爲州爲府爲路爲縣衛地位有升降官吏有尊卑而措施其政治則一也今就簡冊可稽彙爲一編大之可以考歷代政治之沿革小之亦可知一地過去之掌故而其得失隆替之道當自能曉然矣志政治

常志

鐵嶺縣志卷三

政治

職官附

唐

安東都護府

富州

大都護府大都護一人從二品副大都護二人從三品副都護二人正四品上長史一人正五品上司馬一人正五品下錄事參軍事一人正七品上錄事二人從九品上功曹參軍事倉曹參軍事戶曹參軍事兵曹參軍事法曹參軍事各一人正七品下參軍事二人正八品下上都護一人正三品副都護二人從四品上長史一人正五品上司馬一人

正五品下錄事參軍事一人正七品下功曹參軍事倉曹參軍事戶曹參軍事兵曹參軍事各一人從七品上參軍事三人從八品上都護掌統諸番撫慰徵討叙功罰過總判府事

新唐書百官志

上州刺史一人從三品職同牧尹別駕一人從四品下

同上

武德元年改太守曰刺史加使持節丞曰別駕高宗即位改別駕皆曰長史上元二年諸州復置別駕以諸王子爲之永隆元年省永淳元年復置景雲二年始參用庶姓天寶元年改刺史曰太守八載諸郡廢別駕下郡置長史一員上元二年諸州復置別駕德宗時復省

同上

安東上都護府總章元年李勣平高麗國得城百七十六分其地爲都

督府九州四十二縣一百置安東都護府於平壤城以統之用其酋渠爲都督刺史縣令上元三年徙遼東郡故城儀鳳三年又徙新城聖曆元年更名安東都督府神龍元年復故名開元二年徙于平州天寶二年又徙於遼西故郡至德後廢

按本境隸唐安東都護府下又爲富州以上各官乃都護府官乃上州官皆撫本境故書

遼

銀州富國軍

銀州富國軍下刺史隸宏義宮兵事屬北女真兵馬司統縣三延津新

興永平

遼史

東京道

貴德州寧遠軍節度使司

咸州安東軍節度使司

興州中興軍節度使司

信州彰聖軍節度使司

諸州諸軍

節度使

節度副使

同知節度使事

行軍司馬

軍事判官

掌書記

衙官

馬兵軍都指揮使司

都指揮使

副指揮使

馬軍指揮使司

指揮使

副指揮使

步軍指揮使司

指揮使

副指揮使

以上俱屬北面行軍官

州

州刺史

同知州事

錄事參事

州學

博士

助教

縣

縣令

縣丞

縣主簿

縣尉

縣學

博士

助教

以上俱屬南面方州官

太祖神冊六年詔正班爵至於太宗兼制中國官分南北以國制治契

丹以漢制待漢人其制分北南院北面官治宮帳部族屬國之政南面官治漢人州縣租賦軍馬之事

遼史百官志

按以上各軍各州各縣雖興廢靡常或統於本境或隸於他境皆本境之官故書

金

咸平路咸平府

府一領刺郡一縣十

咸平府下總管府安東軍節度使本高麗銅山縣地遼爲咸州國初爲咸州路置都統司天德二年八月升爲咸平府後爲總管府置遼東路

轉運司東京咸平路提刑司戶五萬六千四百四縣八

金史地理志

貴德州刺史下遼貴德州寧遠軍國初廢軍降爲刺郡戶二萬八百九

十六縣二

同上

府

尹一員正三品同知一員正四品少尹一員正五品府判一員從六品

掌紀綱衆務分判吏戶禮案事專掌通檢推排簿籍推官一員正七品

掌同府判兵刑工案事府教授一員知法一員

金史百官志

州

刺史一員正五品掌同府尹兼治州事同知一員正七品通判州事判

官一員從八品簽判州事專掌通檢推排簿籍司軍從九品知法一員

軍轄兼巡捕使從九品

同上

縣

縣令一員從七品丞一員正九品主簿一員正九品尉一員正九品凡縣二萬五千戶以上爲次赤爲劇二萬以上爲次劇在諸京倚郭者曰京縣自京縣而下以萬戶以上爲上三千戶以上爲中不滿三千者爲下中縣而下置丞以主簿與尉通領巡捕事下縣則不置尉以主簿兼之

同上

泰和六年置諸路宣撫司設宣撫使八年改宣撫司爲安撫司凡十咸平其一也司使從一品副使正三品

同上

元

咸平府

咸平府古朝鮮地箕子所封漢屬樂浪郡後高麗侵有其地唐滅高麗置安東都護以統之繼爲渤海大氏所據遼平渤海以其地多險隘建城以居流民號咸州安東軍領縣曰咸平金升咸平府領平郭安東新興慶雲清安歸仁六縣兵亂皆廢元初因之隸開元路後復割出隸遼

東宣尉司

元史地理志

至元二十三年治開元路領咸平府後割咸平爲散府隸遼東道宣尉

司

元史百官志

宣尉司掌軍民之務分道以總郡縣行省有政令則布於下郡縣有請則爲達於省有邊陲軍旅之事則兼元帥府其次則止爲元帥府其在

遠服又有招討安撫宣撫等使品秩員數各有差等宣尉使司秩從二品每司宣尉使三員從二品同知一員從三品副使一員正四品經歷

一員從六品都事一員從七品照磨兼架閣管勾一員正九品

同上

元太祖起自朔土統有其衆部落野處非有城郭之制國俗淳厚非有庶事之繁惟以萬戶統軍旅以斷事官治行政任用者不過一二親貴重臣耳及取中原太宗始立十路宣課司選儒臣用之世祖即位登用老成大新制作立朝儀造都邑遂命劉秉忠許衡酌古今之宜定內外之官其總政務者曰中書省秉兵柄者曰樞密院司黜陟者曰御史臺體統既立其次在內者則有寺有監有衛有府在外者則有行省有行臺有宣尉司有廉訪司其牧民者則曰路曰府曰州曰縣官有常職位

有常員其長則蒙人爲之而漢人南人貳焉

同上

明

洪武二十一年於本境東南五百里故鐵嶺城置衛曰鐵嶺衛

洪武二十三年成巽州城

巽州即銀州

洪武二十六年徙鐵嶺衛於此領中左右三千戶所置中左二千戶所

於懿路置右千戶所於范河

永樂五年成懿路城

正統四年成范河城

衛

衛指揮使司設官如京衛品秩並同指揮使一人正三品指揮同知二

人從三品指揮僉事四人正四品鎮撫司鎮撫二人從五品其屬經歷
司經歷從七品知事正八品吏目從九品倉大使副使各一人所轄千
戶所多寡各不等外衛各統於都司行都司或留守司率世官或流官
凡襲替陞授優給優養及屬所軍政掌印僉書報都指揮使司達所隸
都督府移兵部每歲撫按察其賢否五歲一考選軍政廢置之凡管理
衛事惟屬掌印僉書不論指揮使同知僉事考選其才者充之分理屯
田驗軍營操巡捕漕運備禦出哨入衛戍守軍器諸雜務曰見任管事
不任事入隊曰帶俸差操徵行則率其屬聽所命之主帥調度

明史職官志

所

千戶所正千戶一人正五品副千戶二人從五品鎮撫二人從六品其